

## Israel Negara yang Ditaja Oleh Imperialis, Menceroboh Negara-negara Arab

Tajaan untuk mendirikan negara Israel di tanah orang-orang Arab di Palestin berlaku pada 2 September 1917 dengan Perisytiharan Balfour pada 10 *March* 1948, dengan paksaan kerajaan Inggeris, yang memegang mandat di Palestin sehingga menumpahkan darah dan banyak langkah-langkah yang dilakukan untuk “menghalau” orang-orang Arab di tanah airnya dilaku oleh orang-orang Şahyūnī. Pada tahun 1956 kerajaan-kerajaan Inggeris dan Perancis telah menyerang Mesir dengan angkatan yang kuat untuk mendesak supaya Terusan Suez tidak dikuasai oleh Mesir dan pada masa itu tentera Israel bergabung sama untuk menyerang dari daratan Sinai. Sesudah diadakan perdamaian, maka di sempadan Sinai diletakkan tentera Bangsa-bangsa Bersatu – dan dalam masa itu Israel bersiap-siap menjadikan “negaranya” sebagai negara tentera. Apabila mereka berasa kuat maka mereka pun mulailah menyerang negara-negara tetangganya yang membawa kepada orang-orang Arab menyedari kecerobohan itu.

Sebelum orang-orang Arab sesama Arab bercakar-cakaran sekalipun sepihaknya ingin dan suka untuk bersatu tetapi ada pula setengahnya cuba mengacau hal ehwal di dalam negeri saudara-saudaranya. Tetapi apabila menampak bahaya Israel mereka pun melagang persatuan tetapi belum lagi persatuan itu kompak Israel telah menceroboh dan dengannya empat hari sahaja tenteranya telah sampai di Terusan Suez. Pada masa itulah berhenti tembak-tembak yang dikehendaki oleh Majlis Bangsa-bangsa.



*President Gamal Abdel Nasser dengan senyum menyambut ketibaan Perdana Menteri al-Jazāir Kolonel Boumédiène sewaktu lawatan mahabbah beliau ke Kaherah di beberapa bulan yang lalu. Di dalam gambar Perdana Menteri itu sedang berjabat tangan dengan *Field Marshall* Abdel Hakim Amer.*



President Gamal Abdel Nasser dan *Field Marshall* Abdel Hakim Amer sedang melawat perkhemahan tentera Mesir di barisan hadapan sebelum berlakunya peperangan di antara Arab dengan Israel.



Dr. Abdul Qadir Hatem Menteri Negara Republik Arab Bersatu menyambut ketibaan ketua rombongan Iraq di lapangan terbang Kaherah di beberapa bulan yang lalu untuk memperbincangkan soal percantuman di antara Iraq-Mesir.